

أهالي طنطا يستغيثون من الارتفاع الجنوني في أسعار اللحوم



الاثنين 31 أغسطس 2015 12:08 م

يستمر تهديد ارتفاع أسعار اللحوم في المحافظات، للمواطنين وخاصة مع اقتراب عيد الأضحى المبارك، والذي يشتري فيه المواطنون اللحوم مما يسبب حالة من الاستياء لأهالي طنطا وسط دعوات لمقاطعة الجزائريين

وتفاجأ الأهالي وخاصة محدودي الدخل والفقراء، والذين يدخلون من قوت يومهم، استعدادا لشراء لحوم عيد الأضحى، من ارتفاع أسعارها لتصل الى 90 جنيها للكيلو؛ مما زاد استياءهم وحيرتهم، فيما طالب بعضهم بمقاطعة شراء اللحوم والجزائريين لحين انخفاض الأسعار

فيما اشتكى المواطنون من ارتفاع أسعار اللحوم؛ فقالت إسلام السعيد، ربة منزل: "أنا عندي 4 اطفال وجوزي شغال على باب الله باليومية كنت اللحمه دي بشتريها في الاعياد بس دلوقتي اما وصلت 90 جنيهه مابقتش ادخلها البيت علشان العيال ينسوها هعمل ايه يعني".

وأضاف محمد إبراهيم، موظف: "مش اللحمه بس اللي غالية، كل حاجة علينا بقيت مبالغ فيها يعني مرتبي اطلع منه الاول مصروف دروس العيال والكهرباء والمياه مالاقيش يعدها حاجه باقية تأكلنا فبنمشي على أدنا دا اللي في ايدينا وربنا يتولانا".

كما عبر شريف عبد العزيز، عامل، عن استيائه قائلاً: "هي جات على اللحمه ايه بجملة الحاجات اللي منعرفش عنها غير اسمها، الحكومة عايزانا نموت من الجوع اللحمه دي بتاعة الغنى انما احنا لو لقينا العيش والملح ايه راضيين".

وأضافت نبيلة محمد، موظفة: "انا شايفه ان مفيش سبب منطقي للزيادة في أسعار اللحوم يعني لو سألتوا عن العلف هتلاقوا اسعاره كويسه انما كل دا بسبب غياب الرقابة من الحكومة والرشاوى اللي بتندفع"، متابعة: "دا لو احنا بناكل لحمه مطمئنين انها مفيهاش أمراض كمان"، كما ختمت حديثها بقولها: "احنا في معاناة والله وعلى الغنى والفقير، ما هو فيه حاجات اولى من حاجات يعني ليه اشترى كيلو لحمه ب 90 جنيه وانا في احتياج ليهم لحاجه تانية اهم".

رصد